

S SCHINA P P  
S SCHINA P P - I

19

USSGOOB


U  
U  
U  
U

# DREI DAAG ZITZERE

Mit dr dritte Blagette, wo dr Gino Lisa entworfe het, zittere mer drei Daag dur di bsunders friei Faasnacht 1989.

Die zittrigi Wettstaibrugg wird uf dr Bl gette ghebt vom ene behääbige Dambour, fir dass weenigschtens non e glai Ziigli - und uf dr Goldige e gwundrige Basilisgg - drogge iber dr Bach kemme.

Ais isch sicher : dr beriemti kalt Tschuuder, won is am Dryzäänte Horni, demoorge am Vieri iber dr Ruggge aabe laufft, losst is uff jede fall drei Daag lang vor Fraid zittere.



## SUJET

**SUJET : RUND UM D UHR UFF EM VITA - PARCOURS**

**S'REQUISIT : KAI SCHNUFF MEH**

**VORTRAB**

**UND**

**PFYFFER : MIR BLIIBE FIT**

# AU MIR HÄN ZITTERET

Das isch s'Motto vo dr diesjöörige Faasnacht gsi.

Wie wird s'Wätter ,wärde d'Larve ,s'Requisit und d'Zettel fertig ... und wieviel sin mir überhaupt ??

Doch wie allewyl ,bis am Sunntig z'Obe isch alles zembaut ,druckt und d'Larve und d'Goschdym parat firs grosse zittere gsi.

Abgmelde hän sich fir die Faasnacht ,ganz oder zum Dail ,dr Werni (Südamerika) ,dr Pascal (Babysitter) und dr Christian (USA) .Hän mir alli gmeint .



Mäntig ,13.Hornig fünf vor vieri ,alli fiebere an dem herrlig schöne und warme Morgestraich im Licherlösche entgege .Und do gits die Erschti grossi liberashig .Uff aimol stoht e bekannte Clown mit em Stägge in dr Hand do... dr Christian ,unsere Pfiffermayor .

Syt ere Wuche isch er widder z'Basel und het miese e bitzeli Verschtegilis spiele ,damits zue dere liberashig het derfe kho .Me kha sich unser Stuune sicher vorstelle vor Uffregig häte mir dr scheenschti Moment fascht no verpasst .

Phunggt Vieri isches los gange .Ohni stockige und sunschtige Problem sin mir bis zum Kaffi Marktplatz cho . So isch dr wärmschti Morgestraich sit joore verbigange .

Mit herlige farbige Goschdym (Gääl ,Grien ,Rosa) - wo unseri Schnydere s'Lotti au dissjoor aane zauberet het;e riesigs Danggschön - und verschiedene Larve mit poppige Perügge , - dr Ralph het gmaint jede het die Larve ussgsuecht wo zue aim passt !! - hän mir uns am Cortege uff d'Sogge oder grad am Aafang ,Hindernislauf ,gmacht . Die Behinderige hets durch die "Grossi Renomierti Clique vo dr Alte Richtig" geh .Si het gmaint ,innere Stockig kamme die Klaine aifach iiberolle .S'het Moment ghe ,do hän Zuschauer nit so recht gwusst ,welli khöre zue wellere Clique .Dangg emene hilfriche Comitee-Mitarbeiter het sich s'ganze dene besseret .

Aber das isch denne au scho s'ainzig Aergerniss vo däm super Mäntig gsi.

E bsunderes Danggschön min mir no im Ralph uusspreche ,s'Requisit isch aimol meh e klains Kunschtwerk gsi .

Dr Zyschtig isch denne ganz im Zaiche vo dr Kinderfaasnacht gschtande.  
 Bi e paar Rägdropfe ,mit säggs Kinder und ere Premiere im Vortrab sin mir  
 abmarschiert .S'Beatrice und dr Benno sin s'Erschtmol nit nur im Hintergrund aktiv  
 gsi ,mit alte Sujetgoschdym (mir sin sowieso alli im Charivari gloffe) hän si sich herr-  
 vorragend in unser Zygli iigliederet.

Zobe ,nachdem alli Kinder haime sin und mir uns im Merkur verpflegt hän ,isches  
 nachem Guggekonzäart ,ab in die herrlige dunkle Gasse  
 gange .



Und scho isches Mittwuch gsi .E letschts Mol het me unser  
 schöns farbefrohs Zygli kenne bewundere .Dr Cortege  
 hämmer hitte ohni nennenswärti Problem hinter uns brocht.  
 Z'Obe isch dene wie scho am Määntig dr Chrischtian zue nis  
 gschoose .So hän mir fascht komplett die letschte Stunde vo  
 dr disjöörige Faasnacht gnosse .  
 Jetzt blibt is nur no s'Plange uff dr 5.März wo dr Rene widder  
 kha riefe ... YYSTOH !!!



# Presseinformation



## GRUCHTE-CHUCHI

stimmts, dass mir aagfrogt worde sin, vom Comite, ob me unsere Pfyffer  
- Major kenni miete ...

stimmts, dass mir an dr nägschte Fasnacht e neye Vortrag mit Zug-  
chef hän ...  
Die Alti Richtig ???!

stimmts, dass d'Sandra s'nägscht Joor, zem vorus e 10er Abo, firs  
Taxi kauft ...


stimmts, dass s'Claudia (E.) vo jetzt a, an dr Fasnacht e neyi  
Verpflichtig het :  
` STRIP UND WEIN BEI PIANO - ECKENSTEIN `

stimmts, dass mir immer weniger Gönner hän, derfiir umso meh wo kemme  
go hälfe dr Wyse leere ...

stimmts, dass d'Schaggi meh Bytrag muess zahle, will si meh sufft  
...  
oder hängt das mit em Marco, wo jo Untermieter bienere isch, zäme  
...

stimmts, dass dr Ralph (au Löttschi) si Larve nit vom Dildi, sondern  
vom Löttschetal, het ...

stimmts, dass me mit em Marco, als Fierer im mindere Basel, anstatt  
in dr Sancho - Pancho - Bar mit riesiger Stimmig, immene leere Chäller  
landet ...  
(laider, laider kamme das nur bestätige)



Es isch dr dritte Bummelsunntig ,5.Meerz , gsi.  
E wunderbare sunnige Daag ,so wie bschtellt fir unsere Bummeluus-  
flug.

Am nyyni de morge hämmer uns bim Bahnhofbuffet troffe ,es sin alli  
wie immer pinggtlich deert gsi ! Nach dr gängige Begriessigszere-  
monie simmer gmietlich richtig Glais marschieret und am halbi zääni  
isch es so richtig loosgange.

Nach eme Stündli (oder au e chli meh) Zuug fahre hämmer scho chöne  
in e glai Büssli umstiege ,wo uns schnäll und ``sicher`` (kai Problem  
firs Ruthli als Fahrer mit e Ralph als Fahrlehrer) an unser Ziel,  
La Neuveville am Bielersee ,brocht het.

In dem herrlige Dörfli ,grad am See ,hämmer den no s'Schaggi droffe  
.Es isch vo Lausanne mit em Auto cho. (Zum Glück mit em Auto...wieso  
??? Das läse dir am Schluss vo dem Bricht)

Also wäre mir eigendlich vollzählig gsi ,bis uff e Werni wo irgend  
neume in Südamerika isch und em Christian ,wo sich rasch in Florenz  
ignischtet het .

E gueti Stund hämmer die scheene Gässli vo La Neuveville chönne  
gniessse .Den het is dr Hunger aber in d'Baiz tribe .Nach eme fei-  
ne und usdehnte Mittagässe im Au Progres sin mir no dr Reschte vom  
Städtli go unsicher mache .Jo ,und dene isch scho widder Zyt gsi fir  
d'Ruckrais .Und dene hets aagfange .Wo mir mit unserem Büssli am  
Bielersee entlang gfahre sin ,simmer plötzlich mitte immene Stau  
gstande .Hey ,die Uffregig ,öbs jetzt no uff e Zug längt oder nit  
??


Es het glängt ,dangg dr Schaggi und em Ralph ,wo denne unsers Büssli  
zugg brocht hän und mit em Auto nach Basel gfahre sin .Dr Räschte  
isch wie wild uffs Perron gsegglet .Es hets glaub no selte ge ,dass  
me e Zug wäge e paar Lütli verspötet het lo abfahre ,aber  
d'Luftschnapperli hän bis jetzt no ``alles`` fertig brocht !! (E  
dangg an d'SBB)

Z'Basel a cho ,simmer vo unsere Gönner ,Fründe und Chinder herzi-  
lig in Empfang gno worde .Und bimene super Apero (merci im Beatrice  
und Benno) het me nomol so richtig schön chöe Plaudere .

Nach dr obligate Freie Stroos (au do im Stau zwüsche de Gugge) ,hämmer  
no dr Reschte vo dem wunderschöne Bummel gnosse .

Pinggtlich am Zääni sin mir nonemool ,bim Faasnachtsbrunne yygstan-  
de und dr Frau Faasnacht adie gsait .Bis bald !

RUTHLI



D'LUFTSCHNAPPERLI-CHUCHI

## SCHINKEN AN PORTOSAUCE

S'ganze Menu isch dänggt fir säggs Persone.

Zerscht zue de Zuedate:

16 - 20	Tranchen Schinken
0,5 l	Rahm oder Halbrahm (25%)
1 dl	Portowein
4 Esslö.	Tomatenpuree
1 cl	Maizena

Der Schinken wird gerollt und in eine Gratinform gelegt. In der Pfanne den Rahm wärmen und etwas würzen, mit Aromat, Salz und Pfeffer. Das Tomatenpuree und der Portowein werden dazugegeben. Das ganze wird nun gut umgerührt. Sollte die Sauce nicht dick werden, so kann noch etwas Maizena dazugegeben werden (Menge siehe oben). Die Sauce wird dann über die Schinkenrollen gegossen. Nun wird das ganze in den vorgewärmten Backofen geschoben und während 10. Minuten auf 200 Grad gewärmt.

Dazu passen sehr gut Trockenreis oder Teigwaren und ein gemischter Salat.

Mir wünsche allene vo Härze e Guete !

---

# Engelberg

---

*Am 28. / 29. Jänner isches wider sowit gsi.*

Am 28. / 29. Jänner isches wider sowit gsi.

S'Schiweekend isch aagsait gsi. Vo dr Sandra organisiert, sin mir am morge am siebenti Richtig Engelberg gstartet.

Z'Luzern hets no e klaine Zwüschehalt geh. Mir hän miese unseri beide Voudoise, d'Schaggi und (no) dr Marco, go abhole.

Aendlich z'Engelberg acho, isch uns no e miesami Fahrt mit eme Säggsergondeli bevorstande.

Hejo, säggs Nase mit Tasche und Schloofsagg etc. in ai Gondeli !!

Obe acho het uns nüt meh chönne hebe. Bimene Poschkartewätter hets nur no ains geh, ab uf d'Brätter. Trotz allgemeiner Mainig, s'het zwenig Schnee, sin d'Verhältnis uusgezeichnet gsi und nit nur das, au dr Kaffi



`Jochstöckli' (e klaare Kaffi) uf dr prächtige Sunneterasse het herrlig gschmeckt.

Dr Obig hämmer wider e mol mit eme Fondue aagfange. (s'isch diismol au digg worde !)

Nach däm guete z'Nacht sin mir dene, zemene gmietliche zemehogge, in d'Bar aabegstoche.

Fir e paar Schlummertrunk, bevors dene ab ins Bett - pardon Gugge gange isch.

Dr Rene nämlich, jä wer denn sunscht, (er het duure Daag scho fir Attraktione gsorgt. No kai Meter richtig gfahre und scho hets kracht - Bi dene Maas het dr Ryysverschluss vom Schidress aifach nümme möge, und wyt und breit kai Sicherheitsnoodle, nur settigi fir in Rugge zem abnäh, aber die würd jo au nüt schaade.



Bim umzieh dene, fir's Nachtässe, het me iberall näti Unterhösli, oder wieme dem no sait, gseh. Jä dr Mull het no dirlig mit sine Louis XIV - Schlüüch au miese mit mache.) und jetzt het er no welle, i glaubs wenigstens, e Disertation driiber schrybe : 'Wie styyg ich, obe immene Kajütenäscht, in e Schloofgugge'.

Irgendwann muess er's denne doch gschaft ha, uf aimol het me nur no e herrligs Schnarchkonzäärtli ghert.


Am Sunntig isches denne nonemool e super Daag gsi, und das hämmer mit Schifahre au so richtig uusgnützt.


Laider hets denne nonemool e kaputtige Schidress geh. S'Fränzi isch im stailschte Stigg vom Titlis aabe umkait. Ys und Stai, zeme mit em Schidress, hän de Sturz chönne brämse.

Aber sunscht isch au diismool nit schlimmers passiert.

Oepis vor de Vieri hets denne aber gheisse abschied znäh vo däm herrlige Schigebiet und d'Haimreis a z'trätte.

Härzligge Dangg im Sandra, fir das alles so guet klappt het.





80. GEBURTSDAAG

15.4.89

HERMANN BURGERMEISTER  
SCHÜTZENRAINSTR. 28  
4147 AESCH

